

## KERWEREDD 1999



vorgetragen von Kerweborsch Daniel Heinz

Vorstelle mecht ich an dere Stell, den äschte Kerweborsch denn Heinze Daniel un dess bin ich- jetzt kennt ehr mich. Näwe mer, moi zwa Hilfssheriff mer häwwe alles fescht im Griff. Un uff därre Seit, 3 flotte Biene unser Hoambescher Kerwekönischiene. Es is die Schusters Jutta und die Meons Katharina guckt na emol hie allminaner, do is doch oanie scheener wie die oanner. Un e Keenischin häwwe me aa endlich gfunne. Sie kummt vun Owwerhoambach nunne. Deshalb is se Owwerkeenischin, es is die Reeders Eileen. Was wollt ihr denn noch mei,-is die net schai. Dodeweie sinn mer all recht froh, klatscht emo, dess gehaiert sich sou. Isch grieb Eisch all, ehr liewe Gäscht zum desjährische Brennesselkerwefescht Isch grieb alle Hoambescher, Sunnebescher und Hepprummer. Aa die Kerschhaiser un Erbescher will isch net vergesse. Heit kennt-er Eisch emool wärrer rischdisch soat esse. Vun der Mechthild bis zum Getzinger nunne hott sich die goanz Verwoandschaftsbagaasch zoammegfunne. Ehr braucht blouß die Wärtshafte uffzusuche Do gitt's den guure Kerwekuche. De Woi is gud, de Kaffee koan Muggefuck. Genießt beide Schluck for Schluck. Doch iwertreibt's net sou aarig, ehr liewe Leit. Daß ehr net moje im Sajfudder lait. Heit fraat ehr Eisch jo goanz gewiss. Daß werrer sou scheenes Wärrer iss. Weil de Petrus aa en Hoambescher iss. Deshalb sinn aa die Leit sou frouh ouwewouwewouwou.

Kerwe haast jo, woann me's genaas nimmt. Daß des Wort vun Kirchweih kimmt. For hundert Joahrn waar's soweit. Doamoals häwwe die Hoambescher Leit ougfoange mit veel Gottvertraue e scheenie najie Kersch zu baue. Seitdem wärd die Kerwetradition g'flegt. Do kennt'ehr säje, daß sich in Hoamboach woas bewegt. Mundart g'häijert aa dezu un des is gut. Doann dess iss e oaldes Kulturgut. Isch nemm hait vor's Maul koa Bloat. Alles wärd uff hoambescherisch gsoht. Sou e Prärrischt is jo moanschmoal schwer. Des waas sougar de Parrer Röhr. Bei dem misst ehr braaf sitze un fromme Gsichter mache. Doch bei mehr däft-e klatsche un iwwer moi Gschischde lache. Als ersches gäihn moi Gedoanke mich bei oanere Familie zu bedoanke. Zäje Joahr iss-se jetzt schunn debei. Die bekoannt Stollhofer Bäckerei. Un isch moan dodezu. Die häwwe for Hoamboach schunn veel geduh. Dodefor moine Doamen un Herrn därf-emoal fescht geklatscht wärrn. Jetzt wärr isch emool for alle Dinge in moine Prerrischt Najischkeite bringe. Doann es is beliebt bei Fraa un Moann. Woann me iwwer

oannern schoarefrouh lache kann. Spitzt die Ourern, doann es koann leischt soi, velleischt seid e des Joahr aa debei. Oam unnerschte Haus im Doal der Rouse sinn Bauarbeiter uff Wasser gstousse. Je diefer, um sou nasser. Wuher kimmt blouß des Wasser. Die häwwe die goanz Erd ausgehowwe. Mit Bagger häwwe-ses weg-schowwe. Des woar for die aarig ääjerlich. Die häwwe geglaagt, des kimmt vum Bärreisch. Sie häwwe gewielt und waarn voll Zorn. Doch des Wasser is immer mäjne worrn. Doach un Noacht häwwe se dodrou gschaftt bis endlich oaner hotts gerafft. "Aa guckt doch-emoal hie, oan die Stell. Ehr Leit, des iss e Quell." Doann häwwe-se gemerkt, daß woas net stimmt. Häwwe gewart, bis endlich de Bauherr kimmt. Häwwe gsoacht: "Häjert uff, un dudd net wairer steche, do koann ich wenigschdens moi Fieß als wäsche." Moanschmoal glaab isch, unn es is net iwwertrewwe. Alles, woas owwer de Kersch wohnt is schunn obgeschrewwe. Doch oaner hot gedenkt, woas solle die Bosse un hot sich's nimmäj gfalla loasse. Vor Woihnachte horre gedenkt, jetzt grieschde die Krenk un oafach scheene Adventssterne uffgehengt. Ohne en Parlamentsbeschuß oizuholle, ohne loang zu redde, so gschwolle. Meer muß net blouß redde, meer muß aa wolle. Doch bass uff, Willi, es gibt moansche Herrn, die net gärn iwwergoange wärrn. Woann oaner sich privat oangaschiert koanns gäh, wie's in Owwerhoamboach iss bassiert. Es laiht schunn fascht ee Joahr zurick do owwer oan die Daischertsbrick häwwe freiwillische e Geländer uffgestellt, daß koa Kind in die Boach noifällt. Des Fußgängerbotsschild häwwe se weggeduu. Doch bass uff, jetzt kimmt der Kluuh. Oanstatt me de Lait dudd louwe säischt doch sou en Klouwe: "Sinn do in Owwerhoamboach laure Dolle, die mache jo groad woas se wolle." Des mache die aa un veel woarn driwwe frouh, sunscht weer des Geländer heit noch net drou. Doch es stäiht in de Biwel schon "Hilf Dir selbst, dann hilft Dir Gottes Sohn." In de Wasserschepp hott oaner e Lagerfeier gemoacht. "Macht's Feier ewwer aus!" hott die Moamme gsoacht. Sou, wie sich's for en brave Buh gehäjert, horre uff soi Moamme gehäjert. Er wollt oam Teich Wasser holle, hot schunn en Oamer ghatt, en volle. Isch waas net, horre bissel veel getrunke, plumps woar-e im Wasser versunke. Er krawwelt raus, voller Zorn, sou schnell is noch koaner nischtern worrn.

Vors-joahr is die Kerwekeenischinmim Kloa-geld oan e Toankstell hin. Mit de Geldkass mit oanere volle un hott's Kerwegeld umwechsele wolle. Während die Martina des Kloageld sortiert hott de Toankstellebesitzer die Polizei alarmiert. Die sinn glei mit zwaa Moann kumme unn häwwe unser Keenischin feschtgenomme. Sie is genaah verhäjert worrn. Des Mädsche hott en mords Zorn. Woas se doann mache deed unn wuu-se des Geld här-heed? "Wu is die Vollmacht? Sie stäjhn unner Diebstahlsverdacht!" Noch oanischer Zeit waars endlisch souweit. Sie hott en Zeuge gerufe, doann waar'se befreit.

E Ehepaar is vum Urlaub hoamkumme. In ehrne Wohnung häwwe-se eigenartische Geräusche vernumme. Kimmt's vun de Deer orrer vum Fenschder? Die Fraa säischt: "Des sinn Gpenschter!" Es hott gekracht unn hott gewimmert. Uuhoamlisch hott de Mond roigschimmert. Vor Oangscht erstarrt, oh Schreck, oh Graus, wie griehn me die Gpenschter naus. Der Moann hott mit Kurasch die

Agscht umfasst. Jetzt krien die Gpenster oans verbasst., Iss uff die Speicher nuffgoange unn schunn hott's wärre zu rumoohrn ougfoange. Sinn's Geister orrer Bösewischer? Die Fraa hot fascht die Gaasegischde. Orrer is do velleischt en Oibrescher. Doch wie'se kimmt oan de Lautsprecher, do waar's ehr endlich klar, daß des die Steerio-Oulaag war. Do häwwe doch die zwaa Oalde vergesse die Oulaag oabzuschalde. Unn die Moral vun där Geschicht. Oan Gespenster glaubt man nicht.

Die neegscht Gschicht, es is wärklich woahr, ist bassiert vor em dreiviertel Joahr. Wie kimmt Kuhscheisse uff's Dach? Schlimmer iss: "Wie kimmt Kuh in Boach?" Die Kuh iss hoald do rum spaziert un baufdisch woars bassiert. Noch schlimmer: "Wie krieg'n me se wärre raus?" Die Feuerwehr kimmt vum Spritzehaus. Un wie se immer rennt. Net blouß woans brennt. Sie wisse net, woas -se mache solle. "Wie koann me die Kuh aus de Boach rausholle?" Bis oane is mim Bulldogg kumme, hot mim Vorreloare die Kuh uff die Schipp genumme. Hot se rausgehawwe un ins Groas gsetzt. Gott-sei-Doank woar se net verletzt. Blouß ehr Rippe dunn-ere noch wäj. Sie denkt: "Des bassiert me aa nimmäj!" Die Moral vun där Geschicht: Ohne Feuerwehr gäjht's hoalt nicht.

Woann isch dess säih, kumm isch in Raasch. Schunn zwaa Joahr de selwe Schildbäjestraasch. Do häwwe doch sou-e paar Superschlauein em Schulhaus oan de Kloachemauer des Efeu statt fachgerecht ausgebutzt oafach wärre total verkrutzt. Genau sou, wie Vorsjoahr wärre radikal oabschernerre. Jetzt gugge die nackische Stoah raus Die häwwe wie die Agscht im Woald gehaust. De Ortsvorsteher hott en Oihoald geborre. "Woas sinn doann dess for-re Marotte, wuu-re sich doch sou for die Begriening oigsetzt. Äwwer des is groad, als woann me em Ochs in Horrn petzt." Ausredde häwwe die zoammegeleche. Des Efeu weer de Autos oan die Windscheib gfloche. Debei gäwwe sich die Dorfverscheenerer alle Mieh. Gäiht emaal hinne die Schul unn guckt hie! Do wärren oafach Ufftroach gäwwe oan Leit, wu koa Oahnung häwwe. Woas nitzt doann unser goanzie Mieh? Oh heilische Bürokratie! Des woarn bestimmt sou Ökufritze, die gemietlich in ehre Sessel sitze. Doch dudd en Bauer emaal en oalde Boam ummache, horre meischdens nix zu lache. Do dudd me sich net scheniern un houche Stroafgebiehr kassiern. Die Arbeiter kenne jo nix dezu. Die Schreibtischtäter sinn jo tabu. Doann wunnert me sich, daß koaner veroantwortlich. Laschtzigg fahrn immer noch in voller Läng dorsch Hoamboach, obwohl's do sou eng. Moanschmoal leere, moanschmoal volle. Weil die in de Ourewald nauswolle. Die moane, die weern uff die Stroaß noach Färth, do häwwe-se sich gewoaltisch geärrt. Sie sinn oafach net im Bild, weil oan die B 3 fehlt e Schild. Drei Joahr wärd des schunn nausgezoche. Es is wärklich net geloche. De owwerschde Bürger vun Hoamboach hot sich gwäjert doch die Herrn häwwe garnet hie-gehäjert. De Ortsbeirat hott en aa unnerstutzt. Doch des hot alles nix genitzt. Die häwwe des garnet erscht genumme. Un weirer fahr die dicke Brummer. Oane Ricksischt uff Kinner un Umwelt. For des Schild heed die Stadt koa Geld. Woas koscht sou-e Schild, meer glaabt's jo koum. Koa zwoanzisch-dausend Mark for in Häpprum for de Grottezoun. Die kumme oafach net

dehinner daß Frösch net sou wischdisch sinn wie Kinner. Es is wärklich lächerlich. Bassiert woas, is koaner veroantwortlich. Woann nix gemoacht wärd, sei eisch ougedärmt, wärd des Thema zum vārte Moal uffgewärmt.

Busse unn Laschder faahrn nimmäj in voller Läng dorsch Hoamboach, weil's do sou eng. Moanschmoal woarns leere, moanschmoal volle, weil se in de Ourewoald häwwe fahrn wolle. Jetzt sinn die LKW-Fahrer endlisch im Bild, weil oan de B 3 es bassende Schild. Drei Joahr hott me's rausgezochte. Es is wärklich net geloche. Koaner hott des Erscht genumme. Jetzt fahrn'se nimmäj, die grouße Brummer. Jetzt hott die Sach endlisch oaner in die Hoand genumme. Er hotts wahrhaftisch fertisch gebroacht, daß do e Schild hiegemoacht. Jetzt Schwerverkehr nimmäj noch Hoamboach nojh. Dem Moann koann me wärklich doankbar soi. Es is jo groad koaner vun de Dumme. Lairer muß er ausgerechend vun Bensem kumme. Endlich sieht me emoal en Fortschritt. Moral: "Gäj net zum Schmittsche, sondern glai zu Schmitt.

Bei de Haus-ärwet iss-es äwwer emoal sou. Männer stelle sich besonnens dabbisch ou. Noch net-emoal for die Staubsauher sinn se zu gebrauche. Bei oam hot de Staubsauher net geduu. Die Fraa stäjht hinner drou un guckt em zu. Er hot alles ausproviert. Des Ding hot sich oafach net geriehr. Un weil alles sou verdrecks. Weer-er ball vor Zorn verreckt. Die Fraa fängt ou zu lache "Du Simbel muscht aa de Beidel leer mache!"